

裘吉生主編

珍本醫書集成

許起撰

霍亂燃犀說

世界書局印行

霍亂燃犀說
提要

本書一卷。清江左許起撰。專辨霍亂。因霍亂一證。寒熱異治。診斷

略誤。生死立判。非平時讀書有得。始臨證病情無隱。是書辨霍亂之

屬寒屬熱。幾如太真燃犀照怪。無形可遁。誠醫家之指南。病家之寶

筏也。

自序

於戲。霍亂而死者。可勝痛哉。夫霍亂。危急證也。霍亂而轉筋。則證之尤危。尤急者也。人一病之。生者少而死者多。大抵皆不死於霍亂。而死於治霍亂之醫藥者耳。僻處窮鄉。赤貧如洗。偶病霍亂。猶有活者。以無醫藥之害。或僅藉外治飲水。反不致十死八九矣。夫醫藥之害。豈易言哉。今之爲醫者。大半食古不化。指鹿爲馬。好爲大言。以欺人。開口傷寒論。動手四逆湯。齒莽滅裂。似是而非。又有讀書不成。商賈無資。從游於庸惡陋劣之門。以訛傳訛。自以爲是。不識人命攸關。峻藥妄投。輕病轉重。重者轉爲不治。而一遇霍亂。不問是寒是熱。無不以丁附薑桂香燥溫熱之藥。服之而不死者。渺矣。病家亦以爲如此溫熱。而猶不能生。直霍亂者之命數耳。特未知醫藥之害。甚於霍亂。遂致孤人之子。寡人之妻。而人家並不咎諸醫藥。而爲醫者。能不動心乎。且是證也。每於夏秋之間。甚則流人似疫。合境皆然。而莫甚於去年。往往有滅門之染。謂非暑濕熱三氣之所釀。兼之醫藥之害。抑何至於斯極乎。余目擊病霍亂。而醫者之丁附薑桂。服之無不含冤。而斃。每一念及。輒爲心痛。茲姑縷述前人名論如干。則是寒是熱。明若列眉。俾家置一編。庶幾人人盡知霍亂之原由。胸中早已徹底澄清。則斷不聽醫之模糊影響之談。而被丁附薑桂之害也。因名之曰霍亂燃犀說。斯說之是耶。非耶。天必知之。非也。天將奪我之算。而是也。天必假我數年矣。

請鑒此說者。拭目以俟。光緒十四年戊子午月。江左老瓠許起識於吳門
梓木第二盒。

題辭

王翁著作等身。惟此霍亂燃犀說。人家性命攸關。尤屬緊要。非此刻
翠裁紅之句。爭勝才華音韻之詞。斯編一出。患者何幸如之。讀竟浮

一大白。弁題兩絕於左。

病分寒熱路東西。識得東西路不迷。讀此編如知定向。南鍼不號號然犀。
然犀棒喝百千言。真諦分明要不煩。雖說浮生如短夢。豈容桎梏抱沉冤。

世愚弟楊引傳初稿

時疫流行歲不虛。無分城市與村墟。扁盧也要區寒熱。此是人間有用書。
此是人間有用書。詳言霍亂義無餘。那知誣熱爲寒證。積習難反盜里間。

世愚弟王韜拜題

余於典墳。頗喜泛覽。獨方書從未問津。茲王老親家出示所著霍亂燃犀
說。卒讀之餘。恍然比年來時疫顛連。半由誤治。亟促刊行。以挽末俗。

姻愚弟石鳩叢拜識

羨君妙術擅岐黃。賣藥餘閒著作忙。素秉婆心存濟世。更煩蓮舌別成方。
筆無滯象千言富。胸有靈犀一點藏。寒熱了然能洞見。斯編髣髴是慈航。

姻愚小弟朱以堉初草

荒謬推誰最。人間第一醫。死生若有命。藥石亦何爲。拋却丹山鳳。呼來白屋鷗。吾公深感慨。涕泣語時師。寒熱如冰炭。此編讀便知。參耆迷毒草。妄桂侮行尸。傷往縱難挽。追來尙不遲。亟刊行字內。免腐病人肌。

姪庭銓拜讀謹題

邇年夏秋間每多弔腳痧與絞腸痧卽霍亂轉筋與乾霍亂也。每多誤以夏月伏陰所致。熱藥妄投。輒遭夭橫。吾師特著霍亂燃犀說一編。閱含冤於既往。屏積弊於將來。誠濟世之寶筏也。

受業謝繼康百拜謹誌

霍亂燃犀說卷上

江左老瓠許起述

姪玉林男玉庭謹校

浙杭桂良溥重校

霍亂證無論四肢厥冷畏寒舌白一派陰寒氣象畢呈顯露若服丁附薑桂等藥則百無一生者矣須知霍亂總以暑熱而成有熱極似寒者即假寒也所以徐靈胎有寒霍亂百不得一之說

霍亂非輕小證也然治之偶合古法竟有不藥而霍然者如飲水單方刮刺之類

霍亂有稱爲弔脚痧者即霍亂之劇而轉筋者原非另有一證也

霍亂有呼爲絞腸痧者即乾霍亂也按方書自古以來從無痧證之名殆不知始於何時也至醫說始載葉氏用蠶退紙治痧之法而江民瑩誤爲解休證雖爲杭堇浦所識然亦可見從前痧證不多故古人皆略而不詳也迨國初時其病漸盛自北而南所以又有滿洲病與番痧之名郭右陶著痧脹玉衡一書推原極變其說甚詳而痧之證治乃備張路玉復分臭毒番痧爲二者蓋謂惡氣更毒於穢氣也王晉二又辨痧即外邪驟入阻塞其正氣流行之道之謂而痧之病義益明至情志多鬱之人稍犯涼熱即能成痧且不時舉發亦由氣血失其宣暢也若乾霍亂則亦有不因痰濕飲食之滯但爲暑暵之氣擾亂於中者當以新級

水地漿等治之耳。

霍亂舉世皆名爲痧證也。王晉三曰。痧者。寒熱之濕氣。皆可以爲患。或四時寒濕凝滯於脈絡。或夏月濕熱鬱遏於經隧。或鼻聞臭氣而阻逆經氣。或內因停積而壅塞腑氣。則胃脘氣逆皆能脹滿作痛。甚至昏憤欲死。西北人以楊柳枝蘸熱水鞭其腹。謂之打寒痧。東南人以油碗。或油線。括其胸背手足內腑。謂之刮痧。以碗鋒及扁鍼刺舌下指尖及曲池委中出血。謂之搨痧。更服玉樞丹以治其內。是皆內外達竅。以泄其氣。則氣血得以循度而行。其脹卽已。實卽霍亂耳。非另有痧邪也。

霍亂有先吐瀉而心腹絞痛者。從穢氣而發者多。先心腹絞痛而吐瀉者。從暑氣而發者多。郭右陶之說也。穢按。霍亂有吐瀉並作。有吐而不瀉。有瀉而不吐。外感暑穢。而鬱阻中宮。厥胃則先吐。厥脾則先瀉。有先吐後瀉。有先瀉後吐。總不外內停飲食。

者。則先吐。先腹瀉者。則先瀉。心腹俱痛。吐瀉交作矣。然吐瀉之霍亂。乃暑穢傷人氣分。宜用油鹽刮其皮膚。則痧不內攻。若心胸脹悶。腹中絞痛。或如板硬。或如繩縛。或如筋弔。或如錐刺刀割。雖痛極而不吐瀉者。名乾

霍亂。乃邪已入營。宜以鍼刺出血。則毒有所泄。然後再審其因而藥之。若痧脹已極。難於刮刺者。又必先以藥救醒。乃可以回生。明此三法。庶

可十全。

霍亂有素多濕滯而犯臭氣。則正氣鬱遏。腹痛乃作。或上連頭額俱痛。或下連腹腿俱痛。有痛死不知人。少間復蘇者。有腹痛不時上攻。水漿不入。數日不已者。甚至欲吐不吐。欲瀉不瀉。或四肢厥逆。面青脈伏。或遍

體壯熱。面紫脈堅。但與生黃豆豉之。覺香甜者。是真毒也。急以燒鹽探吐。或以童便製香附四五錢為末。煎湯頓服最效。世俗有用水搭肩背及臂者。有以苧麻水濕刮之者。有以瓷碗油潤刮之者。有以瓷鋒鍼刺委中出血者。總欲使腠理開通之意耳。其脈多伏。或細小緊澁。或堅勁搏指。中帶促結。皆是陰逆陽伏之象。不可誤認陰寒而投以丁附薑桂。雖砂仁之辛溫香竈。亦不可輕用。若見面青唇黑。脈勁搏指。厥逆喘促。多不可救也。

霍亂以脾土濕盛。而滯其升降之機。則濁反厥逆於上。清反抑陷於下。雖有熱化寒化之分。必以治中焦之濕為要領也。濕按。靈樞曰。唐氣在陰。濁氣在陽。清濁相干。則為霍亂。

蓋因暑穢之氣。鬱滯中焦。使脾土阻而不能運動。氣降逆而不得舒。居中既隔滯。勢必上逆為吐。下奔為瀉。苟不急治中焦之濕。則頃刻間三焦皆邪。陰陽乖舛。而病益劇矣。

霍亂者。揮霍悶亂。成於頃刻。變動不安之謂。邪在上則吐。邪在下則利。邪在中焦。上逆而為嘔吐。復下注而為利者。若久病上不能納。下不能禁。名曰吐利。不得謂之霍亂也。

霍亂頭痛發熱。身疼。霍亂之表症也。而有寒熱之分者。以中焦上位。乃陰陽之交。而無一定之性。從陰化則為寒。每因寒涼而病始發。冬月多有之。從陽化則為熱。因暑熱而病始發。夏秋多有之。然因寒者。口必不渴。稍渴者。必屬於熱。仲景云。下利欲飲水者。以有熱故也。濕按。傷寒論有熱多欲飲水。寒多不用水之文。此言外感之證。有熱多寒多之辨。蓋外感熱邪入裏已多。所以口渴而喜冷飲也。

霍亂之發。每因吸受暑穢。或飲食停滯。遂至清濁相干。亂於腸胃。而為上

吐下瀉。治宜宣土鬱而分陰陽。祛暑穢而行食滯。土鬱者。中焦濕盛而升降之機乃窒。諸鬱之發皆從熱化也。

霍亂係因熱而成者。經云。不遠熱則熱至。熱至則身熱。吐下霍亂。奈病源三因等書。咸謂霍亂無不本之風冷。遂致薛立齋。張介賓輩。專主於寒。從此印定後人眼目。凡患熱霍亂者。皆被此數公殺之矣。如勞役田野之間。則暑熱自外而入矣。或安享膏粱之奉。則濕熱自內而生矣。是以不遠熱二字。亦非但以藥食爲言也。

霍亂一證。每發於夏秋之間者。正以濕土司氣。而從熱化耳。若其中人。中陽素饒。已上不勝濕。而復襲涼。飲冷。則濕從寒化。而成霍亂者。亦有之。然熱化者。天運之自然。寒化者。他氣之所逆。知常知變。庶可以治霍亂焉。霍亂屬熱。內經文也。劉守真云。三焦爲水穀傳化之道。熱氣甚。則傳化失常。而吐利霍亂。火性躁動。故也。奈薛立齋之流。敢以寒多立論。貽誤後世。未窺至理。遠不如徐氏百不得一之識見耳。

霍亂有身熱煩渴。氣粗喘悶。而兼厥逆躁擾者。傷暑也。慎勿認作陰證。但察其小便必黃赤。舌苔必黏膩。或白厚。宜王孟英所製然照湯。澄冷服一劑。卽現熱象。此時若投丁附薑桂等藥。轉見渾身青紫而死矣。甚有手足厥冷。少氣。脣面爪甲皆青。腹痛自汗。六脈俱伏。而察其吐出酸穢。瀉下臭惡。便瀰黃赤者。是熱伏厥逆也。熱極似陰。瀉按。至真要大論。諸嘔吐皆屬於火。酸皆屬於熱。請逆衝上。急作地漿煎竹葉石膏湯服之。又有吐瀉後。身冷如冰。欲沉欲

是也。

絕湯藥不下。或發噦。亦是熱伏於內。醫不能察。投藥稍遲。愈服愈出。腸其口渴。以涼水與之。卽止。後以葶輕湯投之。脈漸出者生。然暑之爲病。傷之驟者。則發之暴。傷之漸者。則發之緩。故九月時候。猶多伏暑霍亂之證。

霍亂以暑氣入腹。惡心腹痛。上吐下瀉。瀉如水注。張鳳達曰。春分以後。秋分以前。少陽相火。少陰君火。太陰濕土。三氣合行其政。故天之熱氣下。地之濕氣上。人在氣交之中。受其蒸淫之氣。由口鼻入而擾其中。遂致升降失司。清濁不分。所瀉者。皆五臟之津液。急宜止之。非通因塞用之謂也。濕甚者。胃苓湯。分利陰陽。暑亦自去。熱甚者。桂苓甘露飲。清其暑火。濕亦潛消。若火甚之體。內本無濕。而但吸受暑邪者。白虎湯之類宜之。蓋臟性有陰陽之別。陰虛者火旺。雖病發之時。適犯生冷。而橘櫟等。僅宜暫用。陽虛者濕勝。雖寒潤之品。非其所宜。如胃苓湯。已爲合法。縱或體氣極弱。亦不過補氣清邪並用。若因其素秉之虛。而忘其現病之暑。進以丁附薑桂之劑。眞殺人。不轉睫矣。

霍亂之轉筋。尤在涇曰。肝主筋。上應風木。肝病生風。則爲轉筋。其人臂脚直。脈上下行。微絃。經云。諸暴強直。皆屬於風也。轉筋入腹者。脾土虛而肝木乘之也。按薛一瓢以轉筋與痙證同。推義亦本此。原病式云。轉反戾也。熱氣燥燥於筋。則掣癩而痛。火主燔灼。躁動故也。內經云。諸轉反戾。皆屬於火是也。或以爲寒客於筋者。誤也。蓋寒主收引。然止爲厥逆。禁固屈伸不利。安

得爲轉也。所以轉者，動也。陽動陰靜，熱證明矣。夫轉筋者，多由熱甚。霍亂吐利所致。以脾胃土衰，則肝木自盛，而熱熾於筋，故轉筋也。夫發渴則爲熱。凡霍亂轉筋而不渴者，未之有也。張路玉曰：嘔吐泄瀉者，濕土之變也。轉筋者，風木之變也。濕土爲風木所尅，則爲霍亂轉筋。平胃散加木瓜主之。有一毫口渴，卽是伏熱。種種燥熱之藥，誤服卽死。雖五苓散之桂，亦宜酌用。仲聖雖立熱多欲飲水者，五苓散主之之法。然上文有頭痛惡寒之表證，所以仍取兩解之義。是桂枝原爲兼有風寒者而設。故雖兼表證而非風寒之邪，或本無表證而內熱甚者，豈可拘泥成法，不知變通，而徒藉聖人爲口實哉。凡霍亂轉筋，脈爲兼弦，正以木旺而侮其所勝也。濕盛者，平胃散加木瓜可矣。火盛者，木瓜湯送左金丸爲宜。王孟英因雞矢白散之意，而立蠶矢湯一方，屢收奇績矣。

霍亂又有感惡毒異氣所致者。卽張路玉所謂番痧證也。卒然昏倒，腹痛，面色黑脹，不呼不叫，如不急治，兩三時卽斃。腹痛麻脊，嘔惡神昏者，或穢穢汗出，或隱隱發斑，此毒邪煽發於表也。有發卽瀉利，厥逆腹脹，無脈者，此毒邪內伏也。所患最暴，多有不及見斑而死者。初覺卽以蕎麥焙燥去殼，取末三錢，溫湯調服。重者，少頃再服。卽安。蓋蕎麥能鍊腸胃滓穢，降氣寬胸，而治濁滯，而痧毒之專藥。其毒甚面黑者，急以委中穴去黑血，以泄毒邪。蓋驟發之病，勿慮其虛，非此急奪，束手待斃，倘無蕎麥，或服之不應，卽宜理氣爲先。如香蘇散加薄荷荊芥，辛涼透表。次則

辟邪爲要。梔子豉湯加牛蒡生甘草。解毒安中。表熱勢甚。清熱爲急。黃芩湯加連翹木通。分利陰陽。斑點深赤。急用芫蔚湯下其血分之毒。如見煩擾腹脹。脈來數疾。急投涼膈散。如局方以竹葉易生薑。則毒從下奪。熱劇神昏。雖合三黃多不可救。煩渴引飲。遺尿。速清陽明。白虎湯加葱豉。使毒從表化。以上諸法。在未經誤藥。庶可挽回一二。

列方

地漿

千金

治乾霍亂及霍亂轉筋。

掘黃土地作坎。深三尺。以新汲井水沃入。攪濁。少頃。取清飲三五盞。卽愈。大忌米湯。

羅謙甫曰。霍亂乃暑熱內傷。七神迷亂所致。陰氣靜則神藏。躁則消亡。非至陰之氣不愈。坤爲地。屬陰土。曰靜順。地漿作於陰地。坎中爲陰中之陰。能瀉陽中之陽也。王孟英謂得羅氏此言。治霍亂已思過半矣。蔣式玉稱其勤求古訓。信不誣也。按霍亂因無形之邪。由口鼻吸入肺胃之絡。而阻其氣道之流行。乃否塞不通之病。或清不能升。而泄瀉無噎。濁不能降。而腹痛嘔吐。故用藥皆以清涼宣暢爲法。凡周時內。一口米湯下咽。卽脹逆不可救者。蓋以穀氣入胃。長氣於陽。況煎成湯液。尤能閉滯經絡也。薑湯熱湯。飲酒澡浴並忌者。爲其能助熱氣上衝也。若吐瀉既多。元氣耗散。內已無邪者。須以清米湯涼飲之。以爲接續。不可禁之太過。而反致胃氣之難復也。

陰陽水 本草綱目 治霍亂吐利

新汲水 一百沸湯

各半和服

李頌湖曰。上焦主納。中焦主腐。下焦主出。二焦通利。陰陽調和。升降周流。則臟腑暢達。一失其道。二氣淆亂。濁陰不降。清陽不升。故發為霍亂吐利之病。飲此即定者。分其陰陽。使得其平也。

冬瓜湯 王夢英 治霍亂大渴

冬瓜 去皮穢

水煎清湯。俟涼。任意飲之。

按永類鈴方。用陳倉米作湯。今改用冬瓜湯。其功更勝。蓋陳倉米雖能清熱。霍亂平後。用之頗為得宜。若邪勢方張。吐下未平之際。服之猶嫌其守。惟冬瓜甘淡微涼。極清暑熱。無論病前病後。用以代飲。妙不可言。即溫熱病。用之亦良。

救急良方 外臺 治暑熱霍亂吐瀉轉筋

新汲水

以一碗冷飲之。外以一盆盛水。浸兩足。忌食熱物。

療霍亂代穀食方

蕎麥 焙燥去殼。磨粉

右沸湯調熟。候溫服之。蓋蕎麥性能鍊腸胃滓穢。降氣寬胸。而治濁滯。

爲痧毒之專藥也。續按。楊氏簡便方。絞腸痧痛。用蕎麥麵一握。炒黃。水煎服。李時珍亦曰。炒焦。熱水沖服。治絞腸痧痛。庭按。方書或作放。謝氏云。小葷。多華少葉。葉又翻起。形如舍人云。放。一名蠟師。陸機云。荆菜。似蕪菁。華紫綠色。可食。微苦。本草載。蕎麥莖弱而翻。然易長。易收。應如麥麵。又白居易詩云。蕎麥鋪花白是也。

金莖露 顧聖符 治霍亂轉筋

扁豆葉一握 搗絞汁。一碗飲。扁豆葉。一握。煮豆葉。別錄曰。治霍亂吐下不止。蘇恭亦曰。吐利後轉筋。用生扁豆葉一把。搗汁。入酢服立瘥。葉天士種德堂霍亂門中。亦選此方。

傷暑霍亂方

絲瓜葉一斤 白霜梅肉一錢并核
包着核 中仁用

研爛新汲水調服立瘥

外治轉筋方

轉筋起於足脛。俗呼但以好燒酒摩擦其硬處軟散即愈。一法作極鹹鹽湯於槽中煖漬之。一法以省頭草同炒鹽擦之亦良。一法以

棉絮浸酒中煎滾取出乘熱裹之。一法以醋煮青布揜腳膝冷復易之。一法令病人偃臥將膝腕內以手蘸溫水輕輕急拍直待紫紅筋

現起。即郭右陶所用瓷鋒刺出血立愈。並治乾此名委中穴在膝後對面。

刮法 郭右陶 治霍亂痧脹乾霍亂

背脊頸骨上下及胸前脇肋兩背肩臂用銅匙蘸香油刮之或用刮舌

則子脚蘸香油刮之頭額用上用棉紗線或麻線蘸香油刮之大小復

軟肉處用食鹽以手擦之按張會卿曰凡毒深病急者非刮背不可

蓋以五臟之系咸附於背也。又須自輕而重。向下刮之。則邪氣亦隨之而降矣。

刺法同上治乾霍亂痧脹。

嘗覽古人遺書。東南卑濕之地。利用砭。今以鍼刺出血。即用砭之道也。凡霍亂痧脹。邪已入營。必有青筋紫筋。或現於數處。或現於一處。須用銀鍼刺之。去其毒血。然後據證用藥。看其腿彎上下。有細紫深青色。或紫色。或深紅色者。即膚白嫩者。方有紫紅色。即是痧筋。刺之。方有紫黑毒血。其腿上下大筋不可刺。刺亦無毒血。反令人心煩。腿兩邊硬筋上筋不可刺。刺之恐令人筋吊。若臂彎筋色亦如此辨之。其餘非親見不明白。故不具載。至如頭頂心一鍼。惟取挑破。略見微血。以洩痧毒之氣而已。不可直刺。其指尖刺之太近指甲。雖無大害。當令人頭眩。卽一應刺法。不過鍼鋒微微入肉。不必深入。按乾霍亂。因毒邪入於營分。周身隧絡爲之壅塞。故又謂之痧脹。失治卽死。唯用鍼刺。砭去惡血。取效最捷。益母草萊菔汁之治番痧。皆取其能散惡血也。卽古方探吐。以燒鹽和熱童便。雖云性專潤下。亦爲其涼血之功。有獨擅耳。唯腹雖痛極而喜。得溫按。唇口刮白者。乃內虛陰寒之病。慎毋誤用清涼。妄施鍼刺。而遺人夭殃也。

益母草

以水濃煎。少投生蜜。或可不用。燉溫忒服。取效。或加生萊菔汁半杯良。

燃照湯 孟英 治暑穢挾濕霍亂吐下。脘痞煩渴。外顯惡寒肢冷者。

草果仁 炭豆豉 醋炒半夏 佩蘭草

製厚樸 黑山梔 酒炒黃芩 滑石

水煎涼服。

連樸飲 同上 治濕熱內伏之霍亂。兼能行宿食。滌痰涎。

川連 醋炒半夏 香豉

川樸 石菖蒲 黑山梔

水煎服。

梔子豉湯 傷寒論 治暑熱霍亂之主劑。兼解暑證。誤服。附桂而致殆者。

梔子 香豉

水煎服。

按此傷寒吐劑也。王孟英治熱霍亂。獨推以為主劑。蓋梔子苦寒。善泄鬱熱。豉經蒸腐。性格和中。凡霍亂皆由濕鬱化熱而擾攘於中宮。唯此二物最為對症良藥。奈昔人咸未之察也。且二物之奇。匪可言罄。如偶以竹葉清暑風。配以薏仁宜穢惡。濕甚者臣以滑樸。熱勝者佐以芩連。同木瓜扁豆則和中。合甘草鼠粘而化毒。其有誤投熱藥而致躁亂昏沉者。亦必藉此以為解救。厥功懋矣。而古人之治霍亂者。從不錄用。豈非一大闕典耶。

六一散 即益元散又名天水散 河間 治暑熱霍亂。

滑石 甘草

為粉。水飛。每服三錢。新汲水下。

左金丸 丹溪 治霍亂轉筋。火邪內熾。

黃連 吳茱萸

為末。米飲為丸。如梧子大。每服三錢。以陳木瓜五錢煎湯下。此證因濕盛而風木行脾者。石頑主平胃散加木瓜矣。若熱勝而火爍於筋者。蓋英獨推是方為妙。張雨農極為首肯云。嘗在京師。見杜石樵少宰。亦以此藥救活多人也。然昔賢皆未採用。何左金丸之蹇於遇乎。

蠶矢湯 孟英 治霍亂吐利。轉筋腹痛。口渴煩躁。危急之症。

晚蠶沙 川連 大豆卷 酒炒黃芩 豉仁

木瓜 吳茱萸 醋炒半夏 黑山梔 通草

以陰陽水煎。稍涼徐徐服之。

解毒活血湯 同上 治溫者痧邪深入營分。轉筋吐下。肢厥汗多。脈伏瀕無。

口渴腹痛。面黑目陷。勢極可危之證。

連翹 淡紫菀 川連 益母草 生苡仁

絲瓜絡 石菖蒲 蠶沙 地丁 銀花

水煎。入生藕汁。或茅根汁。或加白童便。

黃芩定亂湯 同上 治溫病轉為霍亂。腹不痛而肢冷脈伏。或肢不冷。而口

易空黃。卜水不行。神昏煩燥。

黃芩

黑山梔

醋炒半夏

蒲公英

蘆沙

淡豆豉

陳皮

川連

吳黃

陰陽水煎服。轉筋加生苡仁絲瓜絡。瀉行者加木瓜。濕盛者加連翹茵陳。

昌陽瀉心湯

同上

治霍亂後。胸前痞塞。湯水礙下。或渴或呃。

石菖蒲

半夏

川連

竹茹

蘆根

蘇梗汁

黃芩

川樸

枇杷葉

水煎服。如小溲秘澀者。加紫苑。按昌陽者。能掃滌濁邪。而昌發清陽之氣。

驚輕湯

同上

治霍亂後。餘邪不清。身熱口渴。及熱邪內伏。身冷脈沉。湯藥

不下而發呃。

鮮竹葉

黑山梔

金石斛

省頭草

冬桑葉

淡豆豉

生扁豆

陳木瓜

水煎服。

致和湯

同上

治霍亂後。津液不復。喉乾舌燥。小水短赤。

北沙參

枇杷葉

生扁豆

木瓜

陳倉米

麥冬

鮮竹葉

生甘草

金石斛

水煎服。

黃連香薷飲

活人

治暑熱霍亂。

黃連

香薷

厚樸

水煎服。

按若夏月無表證者。切勿誤服香薷。以疏衛氣而貽暑患。

木瓜湯

聖惠方 治霍亂轉筋腹痛。

木瓜一兩

水煎服。餘湯浸青布裹其臍。本方加桑枝五錢尤良。外臺方用木瓜子

根皮。食前湯服。

扁豆散

曾濟方 治霍亂吐利。

生扁豆

為末。入少醋。冷水和服。

按木瓜扁豆皆治霍亂之生藥也。於此二方

可見。羅按。扁豆。李時珍曰。通利三焦。能升清降濁。故專治中宮之病。消暑除濕。而

能解毒。千金方有扁豆。香薷各一升。水六升。煮二升分服。治霍亂吐利之方。

藕汁

聖惠方 治霍亂吐利。

生藕

搗汁服。羅按。聖濟總錄治霍亂煩渴。用藕汁一盞。生飲。胸臍痞。孟同州皆謂藕之功用。在乎破血故也。

柳州方

柳子厚 治乾霍亂不得吐瀉。甚至冷汗出而氣欲絕者。鹽一撮。放刀上。用火灸透。

以熱童便和服。少頃。即得吐下。而氣通矣。按此方極易極效。真神劑也。

或用新汲水和服亦可。

白虎湯

傷寒論 治暑火熾盛而霍亂者。

石膏

知母

甘草

粳米

水煎。米熟湯成。去渣服。按治霍亂。宜用陳倉米。

人參白虎湯 同上 治證如前。而元氣已虛者。宜此。前方加入參一味。

竹葉石膏湯 同上 治體虛受暑。霍亂吐瀉。及暑邪深入等證。

竹葉 人參 半夏 粳米

石膏 麥冬 甘草

水煎服。此方治熱極似陰之霍亂。用地漿水煎更妙。

四苓散 通發論 治濕熱霍亂。胸悶。痞瀉而渴者。

茯苓 豬苓 澤瀉 陳皮

水煎服。按吳氏於五苓方去桂。而治胃中濕熱。最為有見。且以橘皮

易朮。則無實中之弊。而有利氣之功。當變而變。可謂善用古人之法矣。

平胃散 局方 治濕熱內甚。霍亂吐瀉。

蒼朮 厚樸 橘紅 甘草

為末。每服七錢。水煎。加木瓜治轉筋霍亂。按此方專治濕重熱伏之

證。故多香燥。

霍亂燃犀說卷下

江左老蘇許起述

姪玉林男

玉璣校

浙杭桂良博重校

客有見前編而謂曰。子於霍亂之熱證。固屬引古證今。述而不作。辨訛異別。義已無餘矣。然則寒霍亂百不得一之說。苟一遇之。將何施治。蓋再以寒霍亂病證方藥。詳細述之。俾獲見其說屬熱屬寒。了如指掌矣。余卽將寒霍亂之原由。弁成方。又錄述焉。

經云。歲土不及。民病飧泄。霍亂。夫歲土不及。則脾胃素虛之人。因天運而更見其虛。中陽既虛。寒濕自盛。以致朝食暮瀉。而爲飧泄。甚加嘔吐。而爲霍亂。觀其與飧泄並稱。則知利者。必是清穀。而非臭穢。吐者。亦必澄澈。而非酸濁。小便利。口之不渴。又從而可必矣。如此。纔是寒濕霍亂。可以理中湯之類治之。故讀書須以意逆其理。自然觸處洞然。無往而不貫矣。且寒霍亂多見於安逸之人。以其深居靜處。陽氣不伸。加以坐臥風涼。起居任意。冰瓜雪藕。恣食爲常。雖在盛夏之時。原不可謂之暑病。王安道論之詳矣。輕則藿香正氣散。或平胃散。加木香。藿香。生薑。半夏之類。濕盛而四肢重著。骨節煩疼者。胃苓湯。加木香。藿香。大腹皮之類。七情鬱結。寒食停滯者。七香飲。頭疼惡寒無汗者。以香薷飲先解其表。隨以大順散等調其裏。如果脈弱陽虛。腹痛喜得溫按。瀉出不臭者。

來復丹。若吐瀉不止。坐氣耗散。或水粒不入。或口渴喜冷而不多飲。或惡寒戰慄。手足逆冷。或煩熱發躁。揭去衣被。但察其瀉出不臭者。乃內虛陰盛格陽。宜理中湯。甚則四逆湯加食鹽少許。更有暴瀉如水。冷汗四逆。脈弱不能言者。急進漿水散救之。並宜冷服。然此輩實由避暑而反為寒傷致病。若誤投清暑之劑。而更助其陰。則頃刻亡陽莫挽矣。世有治此病而愈者。猶未確識其為寒也。遂謂夏月暑病。通宜溫熱。噫。自家錯認面目。而欲傳信後人。何異癡人說夢耶。瀉按。治寒霍亂。亦必首察其內風暗動者。薑附等極宜慎用。即當用。亦須妥為審取。蓋雖係中焦土病。然土病木必侮之。設使過劑。雖不似熱霍亂之即為害。亦必增瀉而纏綿難愈。

傷寒論云。吐利汗出發熱惡寒。四肢拘急。手足厥逆者。四逆湯主之。此陽虛之體寒邪得以直入而為霍亂也。發熱惡寒者。身雖熱而惡寒。身熱為格陽之假象。惡寒為虛冷之真諦也。四肢拘急。手足厥逆者。陽氣衰少。不柔於筋。不溫於四末也。首重汗出者。為陽有外去之象。故徑用四逆湯祛其既入之寒。而挽其將去之陽。若止見厥逆惡寒。四肢拘急。脈來沉細弦緊。面如塵土。瀉出不臭。雖屬陰寒。而無汗出之候者。但宜冷香飲子治之。寒主收引。故四肢拘急。乃筋強不能屈伸之謂。與熱症之轉筋迥別。臨診極宜分辨。苟或顛倒誤施。禍成反掌。

又云。既吐且利。小便復利。而大汗出。下利清穀。內寒外熱。脈微欲絕者。四逆湯主之。此亦虛冷霍亂之候。四肢拘急。手足厥逆。虛冷之著於外也。下利清穀。脈微欲絕。虛冷之著於內也。虛冷甚於內。則反逼其陽於外。

矣。故其外候。每多假熱之象。或煩躁去衣。而欲坐地。或面赤喜冷。而不欲嚙。或脈大虛弦。而不住按。是皆元氣耗散。虛陽失守。甚加喘噦。最爲危險。唯四逆湯可以驅內勝之陰。而復外散之陽。但小便復利。下利清穀入字。最宜著眼。靈胎所謂一證不具。卽當細審也。倘熱霍亂。因暑邪深入。而滯其經隧。顯脈細肢寒之假象者。必有瀉赤便臭之真諦。臨證慎毋忽焉。

又云。吐下已斷。汗出而厥。四肢拘急。脈微欲絕者。通脈四逆加豬膽汁湯主之。尤在涇曰。吐下已止。陽氣當復。陰邪當解。乃汗出而厥。四肢拘急。而又脈微欲絕。則陰無退散之期。陽有散亡之象。於法爲較危矣。故於四逆加乾薑一倍。以救欲絕之陽。而又慮溫熱之過。反爲陰氣所拒而不入。故加豬膽汁之苦寒。以爲嚮導之用。卽內經盛者從之之意也。

又云。吐利止而身痛不休者。當消息和。解其外。宜桂枝小和之。如吐利止裏已和也。身痛不和者。表未解也。故須桂枝和解其外。所謂表病裏和。汗之則愈也。但此爲寒霍亂之兼有風寒表邪者而言。熱霍亂後之表不解者。不得妄引此例。王孟英製輕揚最爲合治。然其意亦不敢出仲聖之範圍也。詳其一日消息。再曰小和之者。蓋以吐利之餘。裏氣已傷。故必消息。其可汗而汗之。亦不可大汗。而可小和之也。況彼熱霍亂之後。津液尤虛。其可妄施汗法乎。此孟英之所以但以輕清爲制也。又云。少陰病。吐利。手足厥冷。煩躁欲死者。吳茱萸湯主之。少陰病。吐利。

煩躁四逆者死。王孟英曰。寒中少陰。吐利交作。陰邪盛極。而陽氣不勝也。然先厥冷而後煩躁。猶有陽欲復而來爭之兆。故以吳茱萸溫裏散寒。人參大棗益氣安中為治也。若先煩躁而後四逆者。陽不勝而將絕也。故死。此二條本少陰中寒。非霍亂也。然既明霍亂之治。不得不列其類證。蓋恐後人遇此等病。亦以霍亂法施之。即仲聖列霍亂於傷寒論之意耳。

列方

理中丸 傷寒論 治寒霍亂口不渴者。

人參

甘草

乾薑

白朮

為末蜜丸。亦可水煎作湯服。合五苓散名理苓湯。

附子理中丸 同上 治證如前。而寒甚者。

前方加附子一味。

四逆湯 同上 治陰熱霍亂。汗出而四肢拘急。小便復利。脈微欲絕。而無頭

痛口渴者。

甘草

乾薑

附子

水煎服。

通脈四逆加豬膽汁湯 同上 治陰寒霍亂愈後。四肢拘急。脈微欲絕者。

乾薑

甘草

附子

豬膽汁 和入

水煎服。

五苓散 同上 治霍亂吐瀉。口渴欲飲水。頭疼身痛發熱者。

猪苓 澤瀉 桂 茯苓 白朮

爲末。白湯和服。合平胃散。名胃苓湯。按此仲聖治熱霍亂之兼有風寒表邪之方也。然隔反化裁。在人善用。如證與本條適合者。方中當用桂枝。若內伏暑濕之邪。而又過食生冷者。方中當用肉桂。其外無風寒之表。內無飲冷傷中。則桂可輕用哉。此石頑之所以示戒。而河間之所以加三石。吳氏之所以有四苓也。苟能因此而引伸其義。則無窮活法。皆可心領而神悟矣。

桂枝湯 同上 治寒霍亂後。身猶痛者。

桂枝 芍藥 甘草 生薑 大棗

水煎服。

厚樸生薑半夏甘草人參湯 同上 治虛寒挾濕之霍亂吐利。

藥即湯見

孟英曰。古今治霍亂者。從未論及此方。予每用之。以奏奇績。

吳茱萸湯 同上 治少陰吐利。厥逆煩躁。亦治厥陰寒犯陽明。食穀即嘔之證。

吳茱萸

人參 生薑 大棗

水煎服。

漿水煎 經古 治陰寒霍亂。暴瀉如水。汗多身冷。氣少脈沉或脫者。

桂枝

乾薑

附子

甘草

良薑

為末。每服三五錢。地漿水煎服。

大順散

局方

治裏涼飲冷。陰寒抑遏陽氣。而成霍亂。水穀不分。脈沉而緊者。

者。

甘草

乾薑

杏仁

桂枝

右炒。如法為末。每服二三錢。湯和服。

冷香飲子

治陰寒霍亂。脈沉細。或弦緊。無汗惡寒。面如塵土。四肢厥逆。

陽氣大虛之證。

附子

陳皮

甘草

草果

生薑

水煎一滾即濾。并水浸冷服。

七香飲

治七情鬱結。寒食停滯。而成霍亂者。

烏藥

香附

枳殼

厚樸

木香

陳皮

紫蘇

水煎服。

神香散

景岳

治乾霍亂。腹痛之屬於寒濕凝滯脈絡者。

丁香七粒

白豆蔻七粒

為末。清湯調下。小腹痛者。加砂仁七粒。

王晉三曰。此方治寒濕痧脹有神功。與益元散治濕熱痧脹。可謂鍼鋒

相對。

灸法 治陰寒霍亂。

以鹽填臍內。上蓋蒜片。安艾炷而灸之。外臺法以手拗所患脚大拇

指。當脚心急筋上七壯。急筋。即屈伸不利而拘急也。喻氏法凡卒中陰寒厥逆吐瀉

色清氣冷癩慄無汗者。用葱一大握以帶緊束。切去兩頭。留白寸許。以

一面熨熱。安臍上用熨斗盛炭火。熨葱白上面。取其熱氣從臍入腹。甚

者連熨二三餘。又甚者。再用艾炷灸關元。氣海各二三十壯。若膜理素

疏。陰盛逼陽而多汗者。用附子乾薑回陽之不暇。尙可熨灼以助其散

越乎。

王孟英曰。讀仲聖傷寒論。乃知病屬陰虛血少者。概不可灸。必陽虛氣

弱者。始可用灸。而嘉言復辨陽虛者。固可以灸。若陽虛至於外越者。豈

容再灸。可謂發前人之未發。足補長沙之未及也。世之不別陰陽而妄

施灼灸以傷人者。豈特霍亂為然乎。吁。可嘆已。

附熨臍方 霍亂一症。皆由寒邪鬱結。氣閉不通。因而吐瀉交作。至於多

利亡陰。血液枯涸。則筋脈攣急。手足拘牽。卽俗名弔腳痧也。此症朝發

夕死。夕發朝死。無論藥力不及。卽重用猛烈之品。而熱劑劫陰。終於不

救。此散藥雖峻猛。而由臍納入。自能溫通臟腑。不致傷陰。屢試屢驗。識

者珍之。

上菴桂心八錢
去皮

母丁香一兩
二分

硫黃 五錢

生香附一兩
八錢

當門子 四錢

右藥共研極細末。每用三分納入肚臍中外用膏藥封貼。一時即愈。藥性猛烈。斷不可喫。孕婦忌用。

補方

藿香正氣散 局方 治內停生冷。外感風寒之霍亂。亦主水土不服之病。

藿香

半夏

甘草

紫蘇

茯苓

厚樸

陳皮

桔梗

白芷

蒼朮 一本作大腹皮

為末。每服三五錢。水煎服。若溫暑熱證。不兼寒濕者。禁用。林樾。藿香正氣散。溫散之劑也。藿香正氣散。溫散之劑也。無不

藥施於熱霍亂。必增煩躁。面赤。揭衣臥地等劇。而況動輒即投了附薑桂者。常見下咽。無不昏然厥冷。觸身青紫而死。猶謂陰感已極。如此大熱。尚不克救。而死者含冤。吁。可歎也。

六和湯 同上 治夏月虛人濕熱內伏。而傷生冷。外感風寒之霍亂。吐瀉寒

熱交作。

香薷

半夏

砂仁

人參

扁豆

赤苓

藿香

厚樸

杏仁

甘草

木瓜

香薷飲 同上 治暑月乘涼飲冷。陽氣為陰氣所遏。頭痛發熱。惡寒煩躁。口

渴腹滿之霍亂。

香薷

厚樸

扁豆

水煎。冷服。

十味香薷飲 同上 治虛人伏濕。復兼感冒食滯而成霍亂者。宜此方加減

治之。

香薷

人參

白朮

廣皮

茯苓

厚樸

黃耆

扁豆

甘草

木瓜

水煎服。

本方去參耆。加藿香蘇葉。名消暑十全散。治夏月久傷生冷。

復重感風寒而成霍亂者。

雞矢白散

金匱 治轉筋入腹。

雞矢白

雄雞矢。乃用白。臘月收乾之。

水煎。總清汁服。

葱豉湯

肘後

治霍亂發斑。

葱白

一握 香豉 三合

水煎。和童便服。

蘆根湯

千金

治霍亂煩悶。

蘆根

麥冬

水煎服。或與竹葉同煎。

桂苓甘露飲

河間

治暑熱挾濕之霍亂。

茯苓

白朮

猪苓

滑石

煑水石

肉桂

甘草

澤瀉

石膏

為末。每服三錢。水調下。桂苓白朮散。即本方去猪苓。加入參也。

黃芩湯

傷寒論

治溫病變霍亂之主方。

黃芩

炙草

芍藥

大棗

水煎服。

黃芩加半夏生薑湯

原方加半夏生薑

半夏厚樸湯一名四七治情志不舒痰濕阻氣而成霍亂者。

半夏

厚樸

茯苓

蘇葉

薑

水煎服。

按此方既主七情不適之鬱痰證亦治寒濕不化風感外侵食滯不消誤投滋膩因而病劇者無不所嚮輒捷。

麥門冬湯同上治霍亂後餘熱未清神倦不饑無苔而渴或火升氣逆乾

咳無痰。

麥冬

半夏

人參

甘草

粳米

大棗

水煎服。

按海藏以竹葉易半夏治溫熱後房勞復之氣欲絕者大效。即不房勞復而氣液兩虧不能受重劑峻補皆可以此湯接續其一錢

之生機。

附子粳米湯同上

治中寒霍亂肢冷腹痛吐少嘔多者。

附子

半夏

炙草

大棗

粳米

水煎服。

來復丹局方

治上盛下虛裏寒外熱伏暑夾陰吐瀉霍亂危證。

太陰元精石

硝石

小青皮

舶上硫黃 廣橘紅

五靈脂

為末古法以醋丸今易米飲為丸。

異功散 錢氏 治霍亂後中虛主劑。

人參 白朮 茯苓 炙草 橘紅

水煎服。

雪羹湯 治暑熱霍亂吐瀉。口渴氣逆。煩躁眩暈等症。

陳海蛇 四兩浸洗極淡 鳧苈 二兩切即葶藶

水煎至蛇炷盡溫服。代茶亦可。

專治霍亂轉筋方 聖惠

原蠶沙 一兩

陰陽水煎。澄清溫服。按蠶沙乃桑葉所化。夫桑主息風化濕。既經蠶食。蠶亦主勝風去濕。且蠶殭而不腐。得清氣於造物者獨純。故其矢不臭。不變色。殆桑後蠶化。雖走濁道而清氣獨全。金匱以雞矢治霍亂轉筋者。雞屬巽。雖不瀦而矢獨乾。亦取少勝風濕。以領濁氣下趨也。蠶沙既引濁下趨。又能化濁使之歸清。性較雞矢更優。故余以為霍亂轉筋之主藥。頗奏膚功。嗣見治痧飛龍奪命丹。用人中白一味。領諸藥迅掃濁邪下趨陰窳。較他方之藉硝以達下者。更覺貼切。故奏效尤捷。制方之義。可謂精矣。至來復丹之用五靈脂。亦從雞矢白脫胎也。

枇杷葉 去毛 濃煎徐飲。此方不但解霍亂之渴也。若深冬探之。刷毛洗淨。

切碎。淨鍋炒乾。瓷瓶密收。常以代茗。可杜暑濕時疫。及噎呃諸病。

生芋 一片 垂危者放入病人口內。嚥汁卽甦。甦後再喫幾片。取其寬腸去

垢濁。破血清痧毒也。世傳飲油。吞礬二方。取其引吐澄濁也。油滋膩。礬

會餌茶。

濃煎溫服。

西瓜汁。

治霍亂轉筋。大渴苔黃。汗頻無瀉者。

按凡陽氣遏抑在內。雖熱證而無汗。西瓜汁慎用。

跋

霍亂非怪證也。然而倉卒變端。醫藥輒誤。則霍亂之不怪而怪。較諸怪證而尤爲怪也。惟是霍亂。醫者都以熱證爲寒證。而治以熱藥。至死終不一悟。此則不獨證之怪。而醫亦無不怪矣。醫藥之怪。更怪於霍亂之怪。霍亂用醫藥誤治而成怪。而醫藥在在皆然。不自以爲怪。而怪乃錮矣。於是霍亂之無所爲怪。而遂成怪證。怪何能知。怪亦可燭。此季父作霍亂燃犀說之由來也。昔溫太真燃犀以照水怪。歷歷可數。雖醫藥霍亂之怪。非水之怪也。然讀是說。則屬寒屬熱。絕無混淆。胸有成竹。不使霍亂之遁形變相。不致醫藥之視赤成碧。豈非怪而不怪。設或霍亂之有怪。醫藥之怪。人能盡悉其怪。而怪胥化爲不怪。是說奚翅燃犀之明。僅照水怪哉。戊子夏日。從子玉林百拜謹跋於崑山隱園之寓廬。